



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS,

*manè discutienda in Scholis Medicorum, die Martis vigesimâ nonâ  
mensis Martii, Anno Domini M. DCC. LXIII.*

M. HENRICO-MICHAELE MISSA, Militarium Nosocomiorum ad Regis exercitum Medico, Doctore Medico, Præsidente.

*An Parisinis præferim interdum rusticari?*

I.



EDICI scopus non modò labefactatam sanitatem reparare, verùm etiam præsentem tueri atque ad ultimam senectutis lineam vitam perducere. Merito igitur quæ sanitati consulunt sollicitè considerat. Res inter quæ dicuntur non naturales aërem ambientem primum sibi vindicare locum nullus ibit inficias. (a) A cibo etenim ac potu aliquandiu abstinere possumus; ubi verò uterina penetralia relinquentes, vitales aurarum carpsimus, nece sitas (b) & ratio vitæ cogunt ut aërem inspiremus ac expi-

(a) Pechl.  
de aëris &  
alim. defec.  
Elysius  
Campus ju-  
cund. quæsti.  
Journ. des  
Scav. Mars,  
1668.  
Thes. M.  
Combatusier,  
16 Apr. 1710.  
(b) Boerha.  
Elem. Chem.  
de aëre, pag.  
117.

A

(c) Bayle, nova exp. Physic-mech. de vi aëris elasti. p. 287. & seqq.

Leçons Phys. exp. de l'Ab. Nollet, tome 3, pag. 265. & suiv.

(d) Hippocr. de flat.

(e) Hales, stat. des ve. 5<sup>e</sup> ch. vi.

(f) Cicero, de Nat. Deor. lib. 2. cap. 33.

(g) Hipp. de morbo sacro.

(h) Thest. M. celeb. Canevel, 17 Mars 1741.

(i) Hipp. de aër. & locis & aquis.

Horat. Ep. 1. lib. 2. Vers 244.

(k) Arbuth. Essay des eff. de l'air, &c. p. 190 & suiv.

(l) Haller, Stat. des vég.

(m) Boerh. Inst. Med. § 752.

(n) Id. aut. § 1032.

(o) Platin. lib. de tuend. vale. p. 145.

Plin. Ju. lib. 2. Epist. 71.

Seneca. de tranq. anim. lib. 1. p. 56.

(a) Vide Thest. An fa-

lublrori se-

quana, 1 Maii 1759.

M. Franc. Mery Præsi-

des.

remus. Quanti sit momenti illud fluidum innumera demonstrant experimenta. (c) Illo sublato corruit vitæ systema; nî mox animali jam exanimi restituitur. Vitæ parens est, & morborum causa (d) nullum corpus etiam durissimum in quo non addit. (e) Nobiscum audit, nobiscum sonat, nobiscum sentit, (f) tonum fibris largitur ac robur plus vel minus pro diversâ indole, (g) illarum explicationi & incremento plurimum inservit, digestionem favet, (h) sanguinis & aliorum humorum motum juvat, & accellerat; illi tribuendæ sunt tam animi quàm corporis mutationes insolitæ, tam nocivæ quàm salubres, hinc varia variarum gentium temperamenta, animi pathemata, ingenii dotes, (i) oris color ac lineamenta, mores; (k) uno verbo, tanta est illius potentia ut absque illo animalium etiam natantium generatio ac vita, vegetabilium accretio, (l) imò tota natura fatisceret. At undè tot mira præstat aër? Aër (tùm per cutis oscula, tùm in alimentorum consortio corpus permeans,) fluidum est corpus, pellucidum, grave, mininiâ vi dividitur, compressibile, compressum proprio nisu resiliens. Hæ aëris proprietates essentielles. Sunt & aliæ quas aliundè mutuatur, nempe calor, frigus, siccitas, humiditas, quorum magna varietas pro cœli, soli, vallium, montium, maris, lacuum, paludum, fluminum, anni tempestatis. meteorôn, vaporum ac exhalationum discrimine oritur. (m) Ast quibusdam qualitatibus donari debet sine quibus nedùm sanitati conferat, è contra numerosæ morborum cohorti ansam præbebit. (n) Sit igitur serenus, leni interdùm agitur vento, ab exhalationibus nocivis defœcatus, nec siccior, nec humidior, neque calidior, neque frigidior; tunc enim suo liberè gaudebit elatere, undè pulmonum explicatio felicior ac sanguinis divisio major, deniquè mens (o) & corpus ad sua munia implenda promptiores & alacriores.

## II.

**A**D vigesimum longitudinis gradum, latitudinis verò quadragesimum octavum cum quinquaginta minutis & decem secundis, sita Urbs magna Lutetia, dicta Parisiorum, in signe Regni Francorum caput, orbis universi compendium. In loco humili residet & quibusdam cingitur montibus qui ventorum sanitatis fortunas & fata secum vehentium, vehementiores ac noxios flatus præcediunt. Illius situs omnium felicior, siquidem sub solano ventorum omnium saluberrimo nihil obstat. Aquilonis violentiores impetus Martis monte illiduntur, undè hinc & inde circumfusæ aërem everrit & putredinis causas amandat. Mons San-Genovefæ eandem urbem ab Austro tueretur. Favonius tùm Clodovæano monte, tùm colle Passiaco cohibetur. Siccum est illius solum, siquidem circum circâ fodiendo arenam vel saxum invenire est. Interluitur ab Oriente ad Occidentem Sequanâ magni nominis Fluvio qui duplici fluente civitatem amplectens, Academiam ex unâ parte, Urbem ex alterâ separat; illius aquæ rarò tumentes ac detumescentes, limpida sunt, leves, grata stomacho, & tot præstant beneficia ut nullas salubriores esse disitearis (a). At locus situ tam fastuosus ac amœnus, ut ad Nestoreas ætates illius incolæ vitam degere deberent causis per multis vitiatur. Aquæ infestantur immunditiis cujuscumque generis quæ in illo perpetim & maximâ copiâ deiciuntur. Edificia nimia celsitate superbientia ne fiat aëris renovatio vetant; undè pulmonibus explicandis jam non est idoneus. \* Quædam viæ angustiores ferè omni tempore luto & sordibus conspurcantur, & tetrum odorem

\* In ludis & magnis concionibus refocillationem recentis anixæ centu exeuntes subditi querere cogimus. In insulâ Sancti Thomæ à solstitio hyemali duos menses silent ventu, incolarum perique languent ac pereunt nisi gratus ventus obortus eorum spiritus tempestivè reficiat. *Heur. Mund. de aër. elat. lat.* p. 77. In navibus maris tranquillitate diu immotis quot vectores Acherontem transirent,

nares graviter ferientem undiquè spirant. Aër etiam coinquinatur halitibus & perspiratione animalium omnigenorum, putridis effluviis latrinarum quæ tempore tantum frigido & siccò expurgari deberent; fimo equorum, animalium stercorebus, ædium sordibus, stramento quo viæ conspersuntur, leguminibus & piscibus jam putrescentibus in mediâ urbe in foro expositis, & calore æstatis tempore præsertim, fermentationem putridam subeuntibus; opificibus innumeris extrâ Urbem relegandis, perniciosis miasmatibus cadaverum in urbe sepulcrorum quæ Romanorum & aliarum Gentium more, extra Urbem inhumari deberent. \* His adde innumerorum focorum fumos quasi totidem spiraculis ascendentes. Hæc omnia nebulas adeò spissas efformant urbi super extensas, ut illam longè prospiciendo eis obsessam videas,

*Ingentem fumum mirabile dictu*

*evomit involvitque domos caligine ceca*

*propectum eripiens oculis. Æneid. lib. 8.*

ærem humidum reddunt; & tetram Mephitim diffundunt, cujus perniciem infandam inopertimè multâ aperuit. *1797 1798* hujusce Facultatis Doctor (b).

### I I I.

**A**ERIS gravitas & elaterium sanitati præcipuè opitulantur; corporis etenim nostri superficies undique ab atmosphærâ gravatur, & illa pressio in homines mediæ staturæ adæquat 33600 libras. At pondus illud & elaterium sanitati adeò necessaria, imminuuntur aëre humido undè tunc graves languent artus, pulmonalis & sanctoriana perspiratio decrevit (a), vitatur digestio. Indè humorum stagnatio, obstructiones, cachexiæ, alvi fluxus, febres intermittentes, continuæ; apud infantes laboriosa dentitio, rachitis, scrophulæ, apud mulieres immodicus mensium fluxus, fluores albi, ac numerosa morborum histericorum cohors. Humidus aër unâ & calidus, unâ & frigidus est. Si frigidus anginæ; tussis, catarrhi, tabes pulmonales, nothæ pleuritides, peripneumonix, rheumatismi, apoplexiæ, scorbutus, producentur (b): si calidus, humores in putredinem vergentes crudeliores excitabunt tragædias, febres putridas malignas, variolas, cholera morbum, convulsiones, deliria, vermes. Porro ex dictis in 2<sup>o</sup>. paragrapho hæcæ noxias qualitates habet Lutetiæ Parisiorum aër & morbi suprâ descripti dominium suum in illâ crudeliter exercent. Nullibi etenim tot inotbos epidemicos grassari invenies. Annus 1570, fuit pluvius, excessit toto decursu in calido, humidoque cælo ac suffocante. Undè medium in Ætatem febrium putridarum ilias incidit, Autumno ineunte morbi qui inducias fecerant, redierunt, inò periculosiores; ineunte Hyeme humorum congeries quæ radices altas fecerat atque latuerat, sese prodiit. Hinc alvi fluores ac dysenterix multis contigerunt. Anno sequenti Hyems ab austrino pluvioque tempore fuit excepta nec non magnis inundationibus; hinc ineunte vere tussis anginæ ac pleuritides. Anno 1574, quàm Æstas pluvia fuisset ac austrina & Autumnus eam exceperat eodem temperamento, infiniti numero homines prehensi sunt dentium doloribus, corizis, opthalmiis, tussibus, pulmonum affectionibus, destillationibus in partes subjectas. Inò & nonnullis, apoplexiæ. Eodem anno & sequenti; furente Hyeme, cujus prima pars fuerat austrina, morbillorum, variolarum, exanthematum, numerosa irrui caterva. Eodem anno verno tempore

(b) Vide  
Thes. Egreg.  
Clarif. le Be-  
gue de Presse.  
An conspi-  
tantibus Me-  
dicis & Ma-  
gistratibus fa-  
nitas publica  
conservari &  
morb præce-  
veri possint?  
29 Martii  
1759.

(a) Boerh.  
Inst. Med.  
§. 748.

(b) Hipp.  
Ath. 2. Sect.  
3<sup>a</sup>.

\* In urbe ne sepelito. Lex XII. Tabul. Judei & Christiani in primis Ecclesiæ sæculis extrâ urbem mortuos inhumabant, exceptis tantum Martyribus & Pontificibus.

(c) *Guliel. Balson, Epid. Ep8: chim. Lib. 11.*  
 (d) *Thef. Doctus. M. Camerl., an aut ab inundatione salubris. 7 Mart. 1741.*  
 (e) *Dissert. hist. sur l'espèce de mal de gorge, &c. par M. Chomel,*

perstante austrina constitutione iidem morbi inciderunt, insuper ventris tormina multis fuerunt, pleuritides multos jugularunt (c). Anno 1693, totam penè Galliam populati sunt morbi *epidemicos* quos nimboſa genuit pluuiosa & frigida aëris constitutio cum diluvio horrendo (d). Anno 1748, in humidâ & calidâ aëris tempeſtate pueros præſertim gangrænoſas faucium inflammationes invaſiſſe meminit huiusce Facultatis antiquus Decanus (e). Anno proximè elapſo in humidiffimâ aëris tempeſtate conſtitutio catarrhalis epidemica invaluit & uſque ad mediam æſtatem rabiem ſuam exercuit in omnes ferè urbis cives; ita ut pauci admodum fuerint quibus aut dolor capitis, aut coriza, aut colli & cervicis dolor, aut aliquid ſimile non contigerit. Quid ad tot mala vitanda? Perpetuò potiones haurite? Medicè vivere? Abſit ô Cives!

I V.

**N**ON longè diſſident ab ædibus veſtris villæ quæ aëris ſalubritate ac ſitus amœnitate donatæ ad illas fruendas vos allecitant. Ad orientem habetis Pentinum, Vicennas, Baigneolum, Clippiacum, Placentiam, San-Maurum. Ad occidentem Altolium, Paſſiacum, San-Clodoaldum, Yſſiacum, Belviſum, Maudunum, San-Germanum. Ad meridiem Montem-Rubrum, Villam-Julitam, Cauciacum-Regium, Victoriacum, Yvriacum, Salicem. Ad ſeptentrionem, Villulas, San-Audoënum, San-Bricium, Bonagilum, Groëlium, Montem-Maurentiacum, Gypſo-Campum, &c. Quæ quidem villæ procul urbium eſtuvia, viretis floribus ac herbis odoratis cultiffimis exornatæ, fluvijs ac rivis ſinuofis flexibus errantibus circumcinctæ omnia ac ſalubritatem requiſita poſſident. Has petens quis tacitè non afficiatur voluptate! Quis v. g. San-Germanum ſubiens ſe novum hominem & in horto Eden tranſlatum non exiſtimet? Quem non movet ædificiorum ſuperborum ac pulcherrimo proſpectu adeò nec immerito jactati porticus intuitio ac ſpeculatio? Quem non delectant camporum jucunda varietas, pratorum læta viriditas, ſegetum ac pampineatum vinearum hilaris aſpectus, vitrearum lympharum lenis decuſus, florum ac herbarum in hortis ac ſilvis circumambientibus naſcentium beneolentes auræ? Quid lætius? Quid utiſius? Certò nullus aër iſto ſalubrior. Enimverò Henrici Magni conclavis autaturæ adeò ſunt integræ ut recenter applicatæ videantur, quod aërem nullis miasmatibus infectum demonſtrat; quodque Ludovico Magno multoties Illuſtriſſimus Fagonius huiusce facultatis Doctor, Archiatrorum Comes, diſcitabat ut eum in illo loco ad ſuam ſedem ſtabiliendam invitaret. Hoc opusculum non abſolverem, ſi ſitus ſalubritatem ac amœnitatem cæterarum villarum exponere animus eſſet. Quântum etenim ad ſanitatē conferant evincitur, effectibus quos in morbis rebellioribus præſtant quotidie. Libros etenim antiquorum ac recentiorum de morbis chronicis evolve, nihil mutatione aëris ad illorum curationem frequentius ac ſelicius uſurpatum reperies. (a) Seceſſus in aërem putiorem inquit celeberrimus Author quandoque plus valet quàm qualibet alia remedium ſarrago ſine hâc immutatione injunctâ (b). Sola aëris mutatio contra quorundam morborum vim, ſit pharmacum eximia virtutis, maximeque potentie. Quot morbi prælongævi ac Medicinæ indociles aëre campeſtri ſanantur, (c) verno tempore præſertim, tunc enim omnia protindus revivifcere & ab orco revocari videntur. Prata pubeſcunt floribus ex terra pipientibus, arbores florente cinguntur coronâ, dulci avium cantu reſonant arva, animaliaque

(a) *Lege Ariſtot. ſect. 1. proba. 47. Plato, in Phædro. Hippo de int. affect. ſect. 11, 28. 29, lib. 10. de Diæta cap. 1.*

*Galen.* ad Glauco, lib. 1. cap. 12. *Ceſſ.* lib. 3. cap. 21, 22, lib. 4. cap. 4. lib. 5, cap. 28. *Alex. Tralli.* lib. 1. cap. 13, lib. 3. cap. 6, lib. 9 cap. 3. *Oribaz.* lib. 4. cap. 24. *Arec.* chion. cur. lib. 1. cap. 3, 4, 5, lib. 2. cap. 57 *Paul. Agin.* lib. 1 cap. 16. *Hier. Mercuri.* *Gontier.* exerc. *Hygien.* *Sydenh.* tract. de podag. p. 468. 473, proceſſus integri in morbis ferè omnibus, p. 635. *Boerh.* aph. 28. *Floyer*, traité de l'aſthme, pag. 127. *Raſſin*, obſer. de Médec. pag. 51. 62. & ſuiv. (b) *Tract. Méch.* de reb. nen nat. (c) *Vide Theſim celeb. M. Hayon*, an Diæta quonibus neceſſaria, magis vetò Lutetie Pariſiorum? ingolis? *Hoff.* lib. 2. de motu, &c. *Floyer*, Traité de l'aſthme, p. 166.

libidine turgentia speciei renovationem meditantur; tunc plantarum effluvia aëri immixta poros penetrant & sic sanguinis vires adaugent, spiritus resuscitant ac oblectant, succo digestivo maximam energiam imprimunt, unde multi visi sunt homines (d) quibus corpora segni languebant morbo & qui cymbam Charontis jam pede tangere existimabantur, in hortos odoratis spirantes herbas deducti, aëre solo plantatum spiritu rectore imbuto statim ad sanitatem revocati, Endemici morbi solâ aëris immutatione sanantur. Sic Londinenses incolæ asthmatici, histerici (e) & hypochondriacæ affectioni sicut & diversæ speciei febribus obnoxii (ob stupendam carbonis copiam quæ in eorum urbe comburitur & aquarum mineralium exhalationes quæ inibi magnâ adsunt quantitate, quæ sulphureis ac salinis aërem contaminant particulis, solida corrodunt, fluida coagulant & sic innumera malorum productioni viam sternunt); sic melancholiæ Itali præsertim afflante vento ab illis *del Chiroco* dicto, strumis, Hispani, Dani scorbutici additi, statim atque insolentem regionem salutaverunt, sanitatem recuperant. Post prælium Hostedense vulnerati, Nosocomii Norlingii in Germaniâ, tumoribus œdematosi correpti fuerunt qui plerisque mortem intulere, at in aliâ regione aëre salubriori gaudent quicumque translati sunt, convalescunt. In obsidio Insulatum magna fuit dispositio ad gangrenam in vulneribus, & per multi quibus terebrata fuit Calvaria, perierunt; sed immutato aëre quicumque superstites, brevi ad sanitatem redierunt. In Parisiorum Nosocomiis quot morbi insaniabiles ob aërem vaporibus propter ægrotantium omne genus infestum. Quot scorbutici ex Nosocomio Gallicè dicto, *Hôtel-Dieu*, ad Hospitium Sancti Ludovici translati anno 1754, citius sanitatem recuperaverunt! Eodem tempore in domo Invalidorum Regiâ idem grassatus est morbus, sed cum aëre salubriori gaudeat & ægrorum cubilia immun-ditie careant, non tam ferociter sevit, & mox ad sanitatem redierunt ægroti. Ex tabulis Necrologicis à Doctore Symphon editis patet Londini trium annorum spatio infantum partem dimidiam occumbere neci, quod aëri crassiori tribuendum. Quot asthmatici aut ventriculo imbecilles relicti Parisiis, ad San-Germainum valetudinis causâ secessi, sanitatem restitutam brevi tempore habuerunt! Quot homines morbis diversis laborantes ad aquas assumendas Medicorum iussu emisisti statim atque penates reliquerunt, incolumes ac sani evadunt! Morbi in castris sæpius sævientes, sunt dysenteria, febres malignæ, & licet varia animi pathemata, pravaque victus ratio his producendis conducant, interim tamen in eorum genesi primum obtinet locum aëris contaminatio. \* Qui morbi in Nosocomiis castrensisibus lethales militibus, aëris novi respiratione statim curantur (f). Sydhenamius (g) in tussibus epidemicis anni 1675, cum pleuritide & peripneumonia supervenientibus, ægros hortabatur, si tussis nondum febrim seu alia symptomata mala accersiverat, ut aurâ liberiore fruere-ntur. Scorbutus cui ob aërem maris navæ maximè sunt obnoxii; statim aquæ terram revolvunt, evanescit, Nostalgia in aërem nativum recessu duntaxat curatur. Lac quod in plurimis morbis præstat, parum prodest si in urbe sumatur.

## V.

SI Luteriarum incolis tanti sit aëris mutatio, quantò magis hominibus debilioris naturæ! Inter illos etenim qui in hac urbe maximâ adsunt quantitate referuntur infantes, pueri, mulierculæ, senes, litterarum cupidi, melancholici,

(d) Mus-  
ce naturæ ob-  
servationem  
accepi à cele-  
berrimo Nag-  
Anto. Petit,  
in suis præle-  
ctionibus.

(e) Arbu-  
thnot. Trac-  
tatus Mecha-  
pag. 134.

(f) Tractat.  
Mechan. p.  
136.  
(g) Sydhæ-  
nam, p. 243.

\* *Henricus Mund.* meminit numerosum exercitum qui præ imbecillitate ex febre castrensi contractâ vallum ægrè ducere poterant, è stativis pestilentibus in castra recentia traductum citò convalescisse, & omnes serè vegetos & admilitaria munia intrâ paucos dies promptos se animadvertisse,



& quicumque fibris donantur tenerioribus. Facillimè etenim vel minimâ causâ lxduntur. Infantibus nervosum genus majus est quàm in adultis; hinc illorum morbi ex genere convulsivo, & ex mille pereuntibus, vix unus est qui prius non fuerit convulsus. (a) Mulierculæ temperamento debili ac humido donantur, quæ incommoda inerti segnitâ & lectorum pulvinariumque molliorum usu ipsæmet adaugent. Inde apud illas fluxus muliebris, fluores albi ferè continuî. Senibus ac pueris inest etiam humidum temperamentum. Hinc omnes morbi fibræ debilis & laxæ (b). Quoad litteratos illorum corpus effectum ob spirituum jacturam immensam, irrequietâ etenim sciendi cupidine diù noctûque libros pervolunt. Hinc pallor genas occupans, languentes oculi, illis in ipso juventutis æstu ver nitidum, flos ille juventæ disperit, & artus carne suâ exuti horridâ macie deformantur (c). Melancholici solitudinem & latebras avidi requirentes hominumque se eripientes commercio perperim improbâ animi contentione laborant, & deperditis spiritibus in ipsâ sanitate non valent. Istis præcipuè hominibus aëris convenit mutatio. Illis & enim urbium aër humidior, his crassior. E contra aër campestris strigilis modo in superficiem corporis agens, superfluitates absumit, circulationem vegetiorem & corpus levius reddit, spiritusque refocillat debilitatos. Ecce vos ô cives qui sanitate solidâ gaudetis, vultis morbo expertes, dies fortunatos & longos agere, villas vestras saltem ad quoddam tempus adite; sic sanitas illibata, corporis firmitas, animi fortitudo, ingenii sagacitas vestræ erunt.

*Ergò Parisinis præsertim interdum rusticari.*

Proponebat Parisiis CAROLUS-LUDOVICUS-FRANCISCUS ANDRY, Parisinus, saluberrimæ Facultatis Medicinæ Parisiensis Baccalaureus. Theſeos Auctor. A. R. S. H. 1763.

A SEXTA AD MERIDIEM.

(a) Herm.  
Boerha. Vezl.  
Acad. ab  
Alb. Hall.  
edic. T. v.  
m<sup>o</sup>. 736. p.  
90.  
(b) Herm.  
Boerh. Aph.  
de cogn. &  
cur. morb.  
§ 26. & seqq.  
(c) Vide  
Thes. venni  
an Litteratis  
vita coelestis.  
illust. Auctore  
J. Ant. Paris.